

2022

# AN BEI D'AON AMHARC



Grúpa an  
Bhainc Eorpaigh  
Infheistíochta

## **An BEI d'aon amharc**

© An Banc Eorpach Infheistíochta, 2022.

98-100, boulevard Konrad Adenauer

L-2950 Luxembourg

+352 4379-1

[info@eib.org](mailto:info@eib.org)

[www.eib.org](http://www.eib.org)

[twitter.com/eib](https://twitter.com/eib)

[facebook.com/europeaninvestmentbank](https://facebook.com/europeaninvestmentbank)

[youtube.com/eibtheeubank](https://youtube.com/eibtheeubank)

Gach ceart ar cosaint

Ba cheart gach ceist a bhaineann le cearta agus ceadúnú a chur chuig

[publications@eib.org](mailto:publications@eib.org)

Le tuilleadh eolais a fháil maidir le gníomhaíochtaí an BEI, téigh chuig ár láithreán gréasáin [www.eib.org](http://www.eib.org)

Mar mhalairt air sin, is féidir leat teagmháil a dhéanamh le [info@eib.org](mailto:info@eib.org). Cláraigh le haghaidh ár ríomh-nuachtlitreach ag [www.eib.org/sign-up](http://www.eib.org/sign-up)

Tacaíonn ár gcuid infheistíochtaí le hinbhuanaitheacht i ngach gné den saol, lena n-áirítear an bhithéagsúlacht. Tá 1 mhilliún speiceas i mbaol a ndíothaithe, agus tá meath mór ag teacht ar na pailneoirí. Dúshlán morálta é sin don chine daonna, ach is fadhb eacnamaíoch é chomh maith. Is ionann an méid a chuireann an pailniú ar bharr le geilleagar an domhain gach bliain agus €150 billiún; cuireann éiceachórais suas le €140 trilliún leis. Tá na pailneoirí beag, ach is mór a chuireann siad lenár saol. Sin é an fáth a bhfuilimid á gcur i lár an aonaigh ar chlúdaigh ár mórthuarascálacha i mbliana.

© Creidiúintí grianghraf: an BEI, GettyImages, Shutterstock, BioNTech, Eggtronic, Anaconda Biomed, ENEL.

Arna fhoilsiú ag an mBanc Eorpach Infheistíochta.

Arna chur i gcló ar pháipéar FSC®.

print: QH-01-22-369-GA-C    ISBN 978-92-861-5296-2    doi: 10.2867/18194  
pdf: QH-01-22-369-GA-N    ISBN 978-92-861-5259-7    doi: 10.2867/532234

# AN BEI D'AON AMHARC

Is é an Banc Eorpach Infheistíochta (an BEI) an eite iasachtaithe den Aontas Eorpach — is muidne Banc an Aontais Eorpaigh. Táimid ar an institiúid airgeadais iltaobhach is mó dá bhfuil ann agus ar cheann de na soláthraithe is mó maoinithe i gcomhair an ghníomhaithe ar son na haeráide, leis.

Ó cuireadh ar bun in 1958 é, tá breis agus trilliún euro infheistithe ag an BEI i dtionscadail san Eoraip agus i dtíortha ar fud na cruinne. Cé go bhfuil an gníomhú ar son na haeráide ina chuid de gach a ndéanaimid, bíonn ár ngníomhaíochtaí dírithe ar na réimsí tosaíochta seo: aeráid agus comhshaol; forbairt nuálaíocht agus scileanna; gnólachtaí beaga agus meánmhéide; bonneagar; agus comhtháthú.

Déanann an Ciste Eorpach Infheistíochta, atá ina chuid de Ghrúpa an BEI, sainfheidhmiú ar thacú le fiontair bheaga agus mheánmhéide, rud a dhéanann sé trí mhaoiniú a chur ar fáil dóibh faoi chomhair fiontraíochta, fáis, nuálaíochta, taighde agus forbartha, fostaíochta agus forbairt réigiúnach.

Oibríonn an BEI as lámha a chéile le hinstiúidí eile den Aontas Eorpach d'fhonn lánpháirtiú na hEorpa a chothú, forbairt an Aontais a chur chun cinn agus tacú le beartais an Aontais. Ní san Eoraip amháin a thugtar faoin saothar seo: tá an BEI gníomhach i mbreis agus 160 tír agus feabhsaíonn saol na milliúin daoine laistigh den Aontas Eorpach agus ar fud an domhain gach bliain.

Tá an idircheangailteacht i gcroílár obair an BEI ón gcéad lá riamh. Tugann infheistíochtaí an BEI tíortha an Aontais Eorpaigh níos gaire dá chéile. Trí BEI Domhanda, a cuireadh ar bun in 2022 d'fhonn tionchar ár gcuid maoinithe forbartha a mhéadú, déanaimid ár gcion féin le dul i ngleic le dúshlán dhomhanda agus le fás agus deiseanna a chruthú i ngach cearn den domhan.



Anois agus luach an iltaobhachais á cheistiú, meabhrú buan é saothar an BEI ar chumhacht iarrachtaí comhtháite na hEorpa.

Nuair a thosaigh COVID-19 ag scaipeadh, bhí dúshlán sláinte le sárú ag an saol mór ar bhonn práinne. Bhí géarghá le vacsaín agus le réitigh a bheadh in ann teorainn a chur le leathadh an víris. Mhaoinigh an BEI forbairt agus táirgeadh vacsaíní in aghaidh COVID-19 agus thug tacaíocht shuntasach do bhearta eile cúraim sláinte taobh istigh agus taobh amuigh den Aontas Eorpach araon. Áirítear leis sin maoiniú do Thionscnamh COVAX, arb aidhm leis fáil chóir chothrom ar vacsaíní in aghaidh COVID-19 a chinntiú i ngach tír ar domhan.

Is iad na cuideachtaí beaga is mó atá thíos leis an bpaindéim de bharr gur éilíodh orthu dúnadh go sealadach roinnt uaireanta agus toisc gurb iondúil nach mbíonn fáil acu ar an méid céanna cúlchistí airgid, i measc cúiseanna eile. Chuir Grúpa an BEI go mór le bearta an Aontais Eorpaigh le srian a choinneáil ar dhrochiarmhairtí geilleagracha na géarchéime ar ghnólachtaí Eorpacha agus ar an ngeilleagar. Tá sé mar aidhm ag an gCiste Rátháíochta Eorpach, ar bhunaigh an BEI é, infheistiú suas le €200 billiún a spreagadh le cabhrú le cuideachtaí beaga agus meánmhéide an ghéarchéim a chur ó dhoras.

Mar an t-iasachtóir iltaobhach is mó dá bhfuil ann, cabhraíonn an BEI le geilleagair déanamh go maith, poist a chruthú agus comhionannas agus inbhuanaitheacht a chur chun cinn. Oibrímid le comhpháirtithe poiblí agus príobháideacha agus breathnaímid ar an méid a chabhraíonn ár gcuid oibre leis an tsochaí agus a fheabhsaíonn sí an saol do dhaoine lena dhéanamh amach cé chomh maith agus atá ag éirí linn.

Is é an BEI an t-iasachtóir iltaobhach is glaise dá bhfuil ann: mar bhanc aeráide an Aontais Eorpaigh, tá an BEI ag déanamh a chion féin le gealltanais Chomhaontú Pháras— an Conradh idirnáisiúnta ar an athrú aeráide — agus Spriocanna Forbartha Inbhuanaithe na Náisiún Aontaithe a chomhlíonadh trína ndéanann sé ar fud an domhain. Tá sé geallta go ndéanfar trilliún euro a infheistiú san aeráid agus san inbhuanaitheacht chomhshaoil as seo go ceann 10 mbliana.

# ÁR DTIONCHAR IN 2021

**€360  
billiún**

Luach na n-infheistíochtaí ar thacaigh gníomhaíochtaí an BEI leo

**€ 4.8  
trilliún**

Luach foriomlán na n-infheistíochtaí a spreagadh

**€95.86  
billiún**

Luach an mhaoinithe ó Ghrúpa an BEI

**€65.4  
billiún**

Luach na n-iasachtaí nua a síníodh

**€55.26  
billiún**

An luach a tiomsaíodh ar na margaí bannaí

**Breis is  
€45  
billiún**

Luach an mhaoinithe do ghnólachtaí beaga

**€15.38  
billiún**

Luach an mhaoinithe don fhuinneamh inbhuanaithe agus d'acmhainní nádúrtha

**€20.70  
billiún**

le borradh a chur faoi nuálaíocht, teicneolaíocht dhigiteach agus caipiteal daonna

**4.5  
milliún**

Líon na bpost a coinníodh i ghnólachtaí beaga



## Idir 2012-2021, ba é €71.92 billiún maoiniú iomlán an BEI lasmuigh den Aontas Eorpach, agus is san Afraic a bhí €26.15 billiún den mhéid sin

**10  
milliún**

Líon na ndaoine atá ag ól uisce níos sábháilte

**8.1  
milliún**

Líon na dteaghlach a bhfuil fáil acu ar chumhacht

**94.3  
milliún**

Líon na ndaoine atá ag baint tairbhe as bonneagar feabhsaithe

**6.8  
milliún**

Líon na síntiúsóirí nua a bhfuil seirbhísí 5G cumasaithe acu

**346  
milliún**

Líon na dturas sa bhreis ar chórais iompair phoiblí

**826 000**

Líon na ndaoine atá i mbaol laghdaithe tuilte

**11 400  
MW**

d'acmhainn giniúna leictreachais, 99.7% ó fhoinsí in-athnuaite

**€33.26  
billiún**

Luach na n-iasachtaí a síníodh le cabhrú le gnólachtaí a bhí thíos le paindéim COVID-19

**783  
milliún**

Líon na ndaoine atá ag baint tairbhe as seirbhísí feabhsaithe sláinte, lena n-áirítear vacsaíní in aghaidh COVID-19









# TACAÍOCHT DON ÚCRÁIN

Seasann an BEI gualainn ar ghualainn le húdaráis agus le muintir na hÚcráine. Tacaíonn sé le ceart na hÚcráine chun bheith neamhspleách.

Mar chuid de fhreagairt chomhordaithe an AE agus an phobail idirnáisiúnta ar an ngéarchéim seo, tá tacaíocht airgeadais curtha ar fáil againn trí Phacáiste Dlúthpháirtíochta an BEI don Úcráin d'fhonn cabhrú le Rialtas na hÚcráine dúshlán leachtachta a sháru ar bhonn práinne. Ina theannta sin, tá an BEI ag obair i gcomhar leis an gCoimisiún Eorpach le tuilleadh maoinithe a chur ar fáil le cur ar chumas Rialtas na hÚcráine leanúint air ag soláthar seirbhísí poiblí rithábhachtacha do na saoránaigh siúd a d'fhan sa tír, rud a chinnteoidh go mbeidh fáil ar bhia, ar sholáthairtí leighis agus ar bhreosla, agus go dtacófar freisin le tionscadail iompair, fuinnimh, forbartha uirbí agus dhigiteacha ag an am céanna.

D'fhógair an BEI clár €4 bhiliún le haghaidh na mblianta 2022 agus 2023 freisin le cabhrú le cathracha agus le réigiúin i mBallstáit an AE aghaidh a thabhairt ar riachtanais phráinneacha infheistíochta, chomh maith leis na dúshlán a sháru a bhaineann le fáilte a chur roimh theifigh chogaidh ón Úcráin agus iad a chomhtháthú. Tá sé mar aidhm ag an gclár nua seo de chuid an BEI forbairt príomh-bhonneagair shóisialta a mhaoiniú le seirbhísí poiblí a chur ar fáil do theifigh, lena n-áirítear tithíocht, scoileanna, ospidéal agus naiscoileanna.

Tá an BEI ag leanúint air ag obair lena chuid comhpháirtithe Eorpacha le cíoradh a dhéanamh ar bhealaí eile a d'fhéadfaí tacú leis an Úcráin féin agus le teifigh ón Úcráin.





## **Thug an BEI tacaíocht €100 milliún don chuideachta Ghearmánach BioNTech leis an gcéad vacsaín in aghaidh COVID-19 a fhorbairt.**

# **COVID-19**

Tá an BEI ar líne thosaigh fhreagairt dhomhanda an Aontais Eorpaigh ar phaindéim COVID-19 ón tús agus chuaigh i gcomhar le heagraíochtaí idirnáisiúnta, ar nós na hEagraíochta Domhanda Sláinte agus Chiste Éigeandála Idirnáisiúnta na Náisiún Aontaithe do Leanáí, le beart a dhéanamh láithreach bonn.

Chuir tacaíocht éigeandála ó Ghrúpa an BEI ar chumas fiontair bheaga agus mheánmhéide agus gnólachtaí nuathionscanta nuálaíochta infheistiú in ainneoin a fhíoréiginntí a bhí an saol. Táimid ag súil go n-éireoidh lenár gCiste Ráthaíochta Eorpach luach €200 billiún de mhaoiniú a spreagadh le tacú le cuideachtaí inmharthana a bhí ag streachailt de bharr na paindéime.

Rinne an BEI a chion féin freisin le maoiniú a chur ar fáil d'fhorbairt agus ceannach vacsaíní in aghaidh COVID-19, do réitigh le cosc a chur le scaipeadh an víris agus do thionscadail eile sláinte poiblí a raibh baint acu le géarchéim COVID-19.

**Le linn na paindéime, thug an BEI maoiniú do ghnólacht nuathionscanta san Iodáil darb ainm Eggtronic, a bhí tar éis tiontaire cumhachta atá coigilteach ar fhuinneamh a cheapadh. De bharr a éifeachtúla atá siad, is lú go mór lorg carbóin thiontairí Eggtronic ná gléasanna eile dá leithéid.**





# AERÁID AGUS FUINNEAMH

Is an t-athrú aeráide an dúshlán domhanda is mó atá le sárú ag ár nglúin. Is é fírinne an scéal go mbraithfidh folláine agus ionchas saoil ár leanaí ar cibé acu a éireoidh linn na spriocanna aeráide a bhaint amach nó nach n-éireoidh. Tá spriocanna aeráide agus fuinnimh an BEI ag ardú na gcaighdeán san Eoraip agus níos faide i gcéin. Ní thacaímid le tionscadail a bhaineann le breoslaí iontaise a thuilleadh agus beidh 50% dár gcuid infheistíochtaí dírithe ar an ngníomhú ar son na haeráide agus ar an inbhuanaitheacht faoi 2025.

Cuireann oibríochtaí an BEI dlús le fás glas agus le dícharbónú geilleagar. Dírimid ar an éifeachtúlacht fuinnimh agus ar an bhfuinneamh in-athnuaite, rudaí a dhéanann a gcuid féin le hastaíochtaí CO<sub>2</sub> a laghdú agus lenár slándáil ó thaobh fuinnimh de a neartú. Cuireann ár ngníomhaíochtaí go léir le fás inbhuanaithe sóisialta agus eacnamaíoch.

Déanann infheistíochtaí de chuid an BEI a gcuid féin freisin le dul i ngleic le héifeachtaí an athraithe aeráide ar phobail leochaileacha, le bithéagsúlacht a chosaint agus leis an bhfeirmeoireacht inbhuanaithe a chur chun cinn. Déanaimid acmhainní nádúrtha a chaomhnú agus cosnaímid an comhshaol do na glúnta atá le teacht. Gach uile thionscadal a dtacaíonn an BEI leis, bíodh sé i réimsí na nuálaíochta, na ngnólachtaí beaga nó an infreastruchtúir, caithfidh sé a bheith ag teacht lenár spriocanna aeráide.







**Thacaigh an BEI le Anaconda, cuideachta cheannródaíoch sa Spáinn, a d'fhorbair cóireáil chost-éifeachtúil a chuidíonn le dochtúirí beatha daoine a shábháil agus míchumas a laghdú tar éis stróc.**

# NUÁLAÍOCHT

Coinníonn an nuálaíocht an Eoraip iomaíoch agus cruthaíonn poist ardluacha, leis. Tacaíonn an BEI le go leor céimeanna nuálaíochta d'fhonn borradh a chur faoi na smaointe a fheabhsaíonn caighdeáin mhaireachtála.

Tacaímid le taighde agus forbairt ar an mórchoír, mar aon le sainghnólachtaí beaga. Nuair a dhéanaimid infheistiú i dtionscadail in earnálacha amhail teileachumarsáid, eitlíocht, leigheas agus digitiú, mealltar tuilleadh maoinithe ón earnáil phríobháideach chun na dtionscadal sin. Cumasaíonn Grúpa an BEI do chuideachtaí Eorpacha na teicneolaíochtaí is úire a chruthú agus a fhorbairt.

Le hiasachtaí ón BEI, is féidir le hollscoileanna saoráidí taighde a thógáil agus a fhorbairt, agus is féidir le gnólachtaí nuathionscanta cur lena bhfoireann agus a gcuid trealamh a fheabhsú. Le tacaíocht ón BEI, tugtar an chumhacht do ghnólachtaí leas a bhaint as na smaointe ceannródaíocha atá acu.



**Tá an BEI ar an bpríomh-iasachtóir do ghnólachtaí beaga sna Balcáin Thiar, áit a gcabhraíonn sé le nach mór 30 000 cuideachta agus a gcothaíonn sé leathmhilliún post. Mar thoradh ar ár gcuid oibre, tá nasc idirlín níos tapúla agus trealamh digiteach níos fearr ag níos mó ná 1 800 scoil sa tSeirbia, rud a d'fhág go raibh múinteoirí in ann cianfhoghlaim a thairiscint do scoláirí agus iad sa bhaile de dheasca na paindéime.**

## **CUIMSIÚ**

Tugann an BEI cumhacht do ghnólachtaí beaga agus do dhaoine óga, agus tacaíonn le banfhiontraithe teacht a bheith acu ar iasachtaí agus ar phoist cheannasaíochta. Cuirimid ar chumas daoine ar ioncam íseal, daoine féinfhostaithe agus micrifhiontar teacht ar mhaoiniú agus ar chomhairle ghnó lena chinntiú go n-éireoidh lena dtionscadal.

Ní thugaimid níos mó ná leath de chostas an tionscadail ar iasacht. Tá tacaíocht an BEI ceaptha an earnáil phríobháideach a spreagadh chun bheith páirteach freisin agus, ar an gcaoi sin, tuilleadh airgid fós a mhealladh isteach i dtionscadal.





# INBHUANAITHEACTH

Eisíonn an BEI bannaí ar na margaí caipitil idirnáisiúnta chun airgead a thiomsú. Fágann an rátáil chreidmheasa den scoth atá againn go n-éiríonn linn airgead a thiomsú ar rátaí maithe, agus gur féidir linn na buntáistí sin a chur ar aghaidh chuig ár gcuid cliant ansin.

Is iad saineolaithe margaí caipitil de chuid an BEI a cheap agus a d'fhorbair an chéad mhargadh le haghaidh bannaí glasa agus inbhuanaithe. Táimid ar an eisiitheoir fornáisiúnta bannaí glasa is mó dá bhfuil ann, agus tacaíonn na bannaí sin le fuinneamh in-athnuaite, éifeachtúlacht fuinnimh, uisce glan agus sláintíocht.









**Fuair gnólachtaí beaga sa Chongó iasachtaí ar ráta cóir cothrom úis ón BEI le linn na paidéime, seachas ar na rátaí an-ard a gheobhaidís ó iasachtóirí neamhfhoirmiúla. Chabhraigh sé sin go mór leis na gnólachtaí sin, chomh maith leis na pobail áitiúla.**

## **BEI DOMHANDA**

Seoladh BEI Domhanda, eite forbartha an BEI, in 2022 d'fhonn tionchar ár gcuid maoinithe forbartha a mhéadú. Tá níos mó ná €70 billiún infheistithe ag an BEI lasmuigh den Aontas Eorpach le deich mbliana anuas (2012-2021), rud a spreagann luach na mbilliún euro d'infheistíochtaí ón earnáil phríobháideach gach bliain. Díríonn BEI Domhanda ar gach a bhfuil áitiúil ar fud an domhain agus téann níos gaire do phobail, do chuideachtaí agus d'institiúidí áitiúla sa chaoi go gcuirfead le tionchar an BEI.

Leathnóidh an BEI an tacaíocht a thugann sé d'institiúidí áitiúla micreamhaoiniúcháin i réigiúin is iondúil nach mbíonn fáil ar bith ag daoine ar bhainc. Nuair is féidir le daoine creidmheas a fháil, fostaíonn gnólachtaí níos mó oibrithe, faigheann mná neamhspleáchas, laghdaítear fadhb an díláithrithe agus cumasaítear do theaghlaigh éalú ón mbochtaineacht.

Méadóimid an méid saineolais earnála a chuireann an BEI ar fáil ar an leibhéal áitiúil d'fhonn ár gcuid eolais agus taithí a chomhroinnt le comhpháirtithe áitiúla. Cuirimid comhairle neamhspleách ar fáil a thógann ar an taithí atá faighte againn

ó bheith ag obair i raon leathan tíortha agus earnálacha. Is féidir na seirbhísí comhairleacha seo a chur ar fáil i dteannta táirgí airgeadais de chuid an BEI, ach is féidir iad a chur ar fáil neamhspleách ar aon mhaoiniú chomh maith.

Le dul i ngleic leis an athrú aeráide, le paindéim COVID-19 agus le géarchéimeanna eile, tá sé de fhreagracht orainn comhpháirtíochtaí nua a bhunú agus oibriú le hinstiúidí airgeadais domhanda eile chun na billiúin a dhéanaimid a infheistiú lenár mbainc chomhpháirtíochta idirnáisiúnta agus náisiúnta a mhéadú ina dtrilliúin. Níos tábhachtaí fós, spreagann rannpháirtíocht an BEI rannpháirtíocht na hearnála príobháidí, rud a fhágann gur féidir leibhéil nua infheistíochta a bhaint amach.

Teastaíonn ó na tíortha atá i mbéal forbartha níos mó ná luach €2 thrilliún d'infheistíocht bhreise gach uile bhliain le Spriocanna Forbartha Inbhuanaithe na NA agus uaimhianta Chomhaontú Pháras ó thaobh aeráide de a bhaint amach.

Mar bhanc aeráide an AE, tá an BEI ag obair le tacú leis an gComhaontú Glas don Eoraip, is é sin treoirphlean an Aontais Eorpaigh lena chinntiú go n-éireoidh leis na beartais atá aige ó thaobh aeráide, fuinnimh, iompair agus cánachais de astaíochtaí gás ceaptha teasa a laghdú 55% ar a laghad faoi 2030. Níl an tAontas Eorpach taobh thiar ach de 10% de na hastaíochtaí domhanda, áfach, agus mar sin déanfaidh BEI Domhanda a chion féin le hiarrachtaí dícharbónaithe an AE a leathnú amach thar na teorainneacha agus tacú le Comhaontú Glas don Saol Mór.

Tá BEI Domhanda ina chrann taca ag an gCoimisiún Eorpach agus ag an gclár Tairisí Domhanda dá chuid, ar fiú €300 billiún é agus arb aidhm leis tacú le tionscadail a fheabhsaíonn nascacht dhomhanda agus réigiúnach sna hearnálacha digiteacha, aeráide, iompair, sláinte, fuinnimh agus oideachais. Cuireann iasachtaí forbartha agus comhpháirtíochtaí airgeadais dlús leis an bhfás, déanann ceantair thuaithe níos saibhre, déanann cathracha níos nuálaí, agus neartaíonn geilleagair.

Tacaíonn saothar BEI Domhanda le tíortha atá ag iarraidh dul chun cinn a dhéanamh ó thaobh comhionannas inscne de agus cumhacht a thabhairt do mhná san ionad oibre, rud a dhéanann sé trí chaidreamh a bhunú le gnólachtaí faoi stiúir ban atá ag infheistiú sa saol atá le teacht. Cabhraímid leis na milliúin daoine nach bhfuil fáil acu ar uisce glan, ar leictreachas, ar vacsaíní, ar dheachúram sláinte, ná ar chórais shásúla cóireála dramhaíola.





# ÁR nGEALLTANAS

Tá BEI trédhearcach agus cuntasach do shaoránaigh an AE as a ghníomhaíochtaí go léir. Fágann na hardchaighdeáin chomhshaoil agus shóisialta atá againn gur comhpháirtí den chéad scoth muid do na heagraíochtaí san earnáil phoiblí agus san earnáil phríobháideach a n-oibrímid leo. Tá foireann ardoilte, dhíograiseach againn, atá comhdhéanta d'eacnamaithe, innealtóirí, anailísithe airgeadais agus speisialtóirí aeráide ó chúlraí éagsúla, a oibríonn gach lá le saineolaithe, institiúidí agus rialtais áitiúla ar fud na cruinne.









An Banc Eorpach  
Infheistíochta



Is éard atá i nGrúpa an BEI ná an Banc Eorpach Infheistíochta (an BEI) agus an Ciste Eorpach Infheistíochta (an CEI).

Is é an BEI banc an Aontais Eorpaigh. Tá sé ar an iasachtaí agus iasachtóir iltaobhach is mó dá bhfuil ann. Cé gur i Lucsamburg atá an BEI lonnaithe, tá líonra mór oifigí áitiúla agus réigiúnacha aige ar fud na hEorpa agus níos faide ó bhaile.

Tacaíonn an CEI le gnólachtaí beaga san Eoraip agus i roinnt tíortha taobh amuigh den Eoraip teacht ar mhaoiniú. Déanann an CEI caipiteal fiontair agus fáis, urrúis agus ionstraimí micreamhaoiniúcháin a dhearadh agus a fhorbairt d'fhonn nuálaíocht agus fostaíocht a chur chun cinn.

Is é BEI Domhanda eite forbartha idirnáisiúnta an BEI. Cuireadh ar bun in 2022 é agus cuireann sé le tiomantas fadtéarmach an BEI chun maoiniú a chur ar fáil don fhorbairt, don ghníomhú ar son na haeráide, d'infheistíochtaí nuálaíocha, agus don inbhuanaitheacht, chomh maith le bealaí nua le cabhrú le daoine ar fud an domhain.